

De Kwakel

CV De Moerebuuk Ell

Jaorgank 53

Zónger pet mer met eine steek
gaon wae dees daag wie eine reek

Prins Theo I Prinses Jeanne



Jeugdprins Tim Jeugdprinses Judith

De Playstation enne computer aanne kantj
Wae swinge en tröte door ´t Moerelandj

Vastelaovundj 2005

De Kwakel

PROKLAMASIE VAN PRINS THEO I



Ich, Theo 1ste, 54e prins vanne Moerebuuk, gebore en getoge in Èll
 Zoon van Toon van Aere Drees en Els van Kodakkers Frits
 Getrouwdj met Jeanne van Tjeu van Hooke en Mien van Kessels
 Vader van Bram en Rick, carnavalveerders met de paplepel ingegaeve
 Nao get ómzwervinge weer trók in Èll
 Woeënendj inne buurt: "Kunnenkoel" oppe Magnoliastraot
 Wirk bie de pliesie, districtj Wieërt
 Zing same met Jeanne in Hael bie 't vriendenkoor 'All Ways'
 Voetbal, althans probeer det, bie de aoj veterane van RKESV ('t 5dje)
 Waas adjudant van Prins Henk d'n 1ste in 1997
 Beloof plechtig d'r alles aan te doon om d'r eine geslaagdje carnaval van te make
 same mèt Prinses Jeanne en uiteraard met mien broor, adjudant Leon en zien vrouw Anneke



BIE DE GRATIE VANNE RAOD VAN ELF, LAOT ICH UCH 'T VOLGENDJE WETE:

Det ich as noewe Prins vanne Moerebuuk en Moerinne
 met hieël veul zin aan de Carnaval gaon beginne

Ich beloof uch plechtig, same met mien prinses Jeanne,
 veur jónk en aod make we d'r met carnaval ein prachtig fieëst
 van.

Same mèt adjudant Leon zal de muziek dees daag centraal
 staon.
 Enne kapel zal te alle tieje mèt ós mèt gaon.

Wae gaon echt noeëts skieje
 ómdet wae hie al jaore as Moerebuuk de baer kómme rieje.

Vergaetj veur vandaag effe al uch zörge
 maaktj veul plezeer en dink nog neet aanne daag van mörge.

Blieftj neet aan de kantj, paktj uch vast en dootj mèt,

de kleinste ónger ós moge vandaag get later nao bed.

Ein lekker glaas beer drinke huërtj d'r bie op ziene tieëd
 mer laotj de auto den staon, ouch al mójtj gae nog wieët.

Det ich, óndanks 't drökke programma vanne Moerebuuk
 de aoj veterane neet inne steek laot en op zunjigmörge toch de
 wei weer ruuk

Ich bin gewindj om snachs te wirke en op straot te staon,
 dus zal zeker neet als ein vanne ieërste heives gaon.

Prinses Jeanne en ich zólle d'r same met jeugdprins Tim en
 jeugdprinses Judith euver wake
 Om d'r veur ederein eine ónvergaetelike carnaval van te make.

Ich wins te regere inne 'Orde van 't zweileecht'.
 En ich sloet aaf met mien motto:



ZÓNGER PET MER MÈT EINE STEEK GAON WAE DEES DAAG WIE EINE REEK



Weurdje vanne prins



De meeste minse in Èll zólle mich en prinses Jeanne kinne. Wae zeen gebore en getoge Èller minse.
 Nao get ómzwervinge woeëne wae al weer 5 jaor in Èll. 'T dörp Èll bleef ós toch trèkke. Wae hóbbe d'r den
 ouch gein moment spiet van gadj. Ós twieë zone Bram en Rick veule zich hie ouch hieël erg thoës.
 Örges in oktөөber stóng d'r eine mins vanne carnavalsvereiniging aanne deur. Jeanne deej ope. "Is Theo
 ouch thoës", vroeg t'r. "Mer jao", zagt Jeanne, "kóm mer binne". Mer det woeëj d'r neet. Ich waerdje gerope
 en kreeg drek de vraog gestèldj of ich prins woeëj waere. 'T is netuurlijk ein hieël ieër óm as prins gevraogtj te
 waere mer dao weurs se toch waal effe met verrasjt. Ich kreeg twieë daag bedinktieëd. D'r gaon drek get zake
 door de kop. Planning binne 't gezin, planning op 't werk (bie de plies). Kan det allemaol waal? Dae mins ging
 en ich ging de keuke in. Rick zaat aanne keuketaofel en zagt: "Pap, dae kwaam zeker vraoge of se prins
 woeëts waere?" Ich staon neet gouw met de móndj vol tenj mer 't waas of se mich met ein sjöp veure kop
 houwde. "Uh ... nae Rick, wie kum se dao bie?" "Det ging euver de spoeëketocht vanne voetbalclub", zag
 ich. Det vónj d'r sjenbaar ein good antwoordj en hae leet 't dao bie. Ich hób d'r de hieële aovendj en nacht
 mèt rónjdelaope (en gelaeye). Wae hóbbe ins alles op ein rieke gezatte en ich kreeg vrie snel alles
 geregeldj. Jeanne vónj 't geweldig en mien broor Leon woeëj miene adjudant waere. Anneke zaag det ouch
 waal zitte. Wae hóbbe ós drek tot doel gestèldj óm d'r eine geweldige carnaval van te make. Ich hób vanne
 baas get vrie gekrege want:

**Zónger pet mer mèt eine steek
Gaon wae dees daag wie eine reek**

De Kwakel



Van lustrum nao tuffe.

Marlies en Paul haje de zomer heure ieërste lustrum te vere. Aafgesproke waardje det ederein dae genuëdj waas dónkel kleier aan móst doon. Ein waek veur 't fieëst zote Nel (van Bair) en Marlies in discussie euver de kleier. Nel kóst 't neet winne en waardje waers dus leet ze wete det ze gein dónkel kleier aan deej mer lekker leegte. 'Det is good,' zeet Marlies, 'mer den höb se waal kans det alles door geit sjiene!' 'Meuktj neet oet,' zeet Nel (nog steeds waers), 'den doon ich mich gewuën eine string aan'. Lei Brouns haaj de discussie gevolgdj en haaj ouch drek ein antjwoord klaor. 'Oh,' zeet t'r, 'den kinne wae op 't inj vanne aovundj fijn mèt dae string gaon touwtrèkke ... hove wae ós ouch neet mieër inne henj te tuffe.'



advertentie



Veur appele en paere
Gaatj nao Koppen-Moors



vers vanne boum

Höbtj gae
kabelwerk ?

van Geleuken
is den sterk



Kinjer 1

Mer maedje,
waat zees
se noe?

Mèt kirmis smaondjessmiddles waas Hein van Seunis flink op stap aan 't gaon en haaj de nuëdige gedrónke. Merel zien kleindochter haaj det inne gate en zagt op ein gegaeve moment 'waat kaltj opa toch gek!'



Eih! ... miene fiets!

Teng van Kinnister móst nog get klómmele op zien landj en waas dao oppe fiets haer gegange. Einmaal dao parkeerdje hae dae fiets zoeëas altied inne graaf en ging aanne gang. Effe later kwaam eine ieferrigge gemeindjeambtenieër langs en dacht; "Waat liktj hie eine rómmele inne graaf", en paktje dae fiets mèt. Op ein of anger meneer is t'r toch kontakt gewaestj mèt de gemeindje want de volgendje daag smörges vreug waardje dae fiets al trök gebrachtj. Toch fijn as se wëst det die vanne gemeindje alles oprume waat rondjslingertj langs de weeg. Mer van Teng hoofdj 't neet zoeë fanatiek.

advertentie

LAST VANNE VEUT ?

Den snel nao
pedicure
Toos Mennen



Lestige gezèt?

Hein van Seunis waardje op ein gegaeve moment 65 jaor en daoróm kwaam ein foto van Hein as jónk menke inne gezèt. Dae mörge haaj Wim van Kessels net de gezèt oet de brevebös gehoordj wie de aoje Sent tege hum zeet; 'Zèk Wim,

haats dich gein meute wie se de gezèt oet de bös hooldjes? Bie mich bleef se almer staeke wie ich ze droet woeëj hole..!'



Weurdje vanne redaksie

'T mót uch opgevalle zeen .. de redaktie heet weer gesleuteldj aanne spelling. Al jaore probere wae uch 't laeze gemèkkelik te make door zoeë good meugelik en consequent 't Èller dialekt te sjrieve. Tjeu en Paul zeen zelfs nao de cursus 'Dialekt laeze en sjrieve' gewaestj van de Veldeke Kring óm de stökskes die gae aanleverdj óm te zette of te verbaetere nao ós dialekt. Dao zeen regels veur verzónne die gemèkkelik toe te passe zeen. Mer 't allerbelangriekste is dae steun van uch. Alweer waas eure inbring geweldig. Blijftj zoeë doorgaon!

De Kwakel is ein oetgave van 't Kwakelcomité;
Thea van Beurskes, Jeanny vanne Kaolder, Corry van Pleunis, Hub vanne Baars, Tjeu van Lemme en Paul van Miet

Vormgaaving;
Huub van Sentjens en Paul van Miet



Neet good bekómme.

Bart van Hover en Marjon van Pé van Sjr móste nao 't fieëst van Lei en Annie van Breukers. Nao det se de nuëdige glaze beer en borrels haje gatj waas 't de hoeëgstie tied óm heives te gaon. Thoos begos 't bie Bart te borrele. Marjon ging alvast nao béd en Bart ging de roeëzekrans baeje! Wie d'r eindelijk oetgespietj waas, waas t'r ziene bril kwiet. 'Och, dae vinj ich mörge waal,' dacht Bart, en ging nao béd. Aangekómme oppe slaopkamer haaj Marjon hum 't hieël béd óngergespietj. Ouch det nog! En dae bril? Dae is noeës mieër gevónje!



Wisj djer al ...

- det Mario Brewer mèt de vastelaovendj heives ging óm te poepe
- det hae de volgendje kieër get ièrder geit want 100 mtr veur det t'r thoes waas ging 't mis
- det Eva van Jos van Lemme inne café de telefoon opnoom en det emes vroeg of de eigenieër thoes waas
- det Eva toen zagt 'nae, mer de mins vanne eigenieër waal'
- det Marlies neteurlik in heur nopjes waas mèt dit antjwoord en Eva nog effe maag blieve
 - det Paul nao 't plein waas gewaestj óm de auto te laote wasse door die van JWE
 - det Marlies ouch waas gegange en det die van JWE vroege 'Waas 't soms neet good?
 - det Marlies oppe vraag 'Wiezoeë?' As antjwoord kreeg det Paul ouch al waas gewaestj!
- det mèt 't voetbalkamp vanne jeugd Carla van Ed mèt ein mes naeve zich in béd haaj geslaope ómdet Ed op 't voetbalveldj bleef slaope
- det ze det deej óm zich snachs get veiliger te veule, zoeë twee nachte allein mèt de kinjer
- det ze det volges Ed deej ómdet ze gewintj is get sjerps naeve zich te hóbbe ligge
- det José van Thei Beurskes ouch eine nacht allein móst slaope ómdet Thei wacht móst laope op 't voetbalveldj
- det de hódj dae nacht bie José in béd mocht slaope terwiel d'r normaal gesproke neet ins bove maag kómme
- det Stefan boeëdsjappe ging doen en zich veurgenóme haaj óm geine chips te koupe
- det hae bie de kassa 't cadeau vanne waek kreeg en det waas ... ein toet chips!
- det jeugdprins Tim bie 't oetroope ein noew muts ophaaj en det Evert hiej veur gezúrgtj haaj
- det Evert pas laat inne gate kreeg det 't de verkieërdje waas
- det 't muts vanne groeëte prins waas



Ingeslote

Hie wake wae!



'T aete waat euver is bie de Prairie weurdj good besteedj en geit nao de hoonder en geite. Mien en Lies haje eder twee ummers vol óm nao de wei te bringe. Ze kieke ièrst woeë Jor de hoondj is, mer dae is nörges te zeen. Mer einmaol óngerweeg nao de wei haaj Jor die twee inne gate en stuufde d'r op aaf en in zien enthousiasme bietj hae Lies inne erm. Versjriktj lieëtj ze ein vanne ummers valle en rentj mèt Mien nao de ren vanne hoonder. Inne ren weurdj de haan wildj en vèltj Lies van achter aan, ouch det nog! Mer Jor blijftj bie dae angere ummer en Lies en Mien dörve neet mieër oet de ren. Ze haje al ein paar kieër gerope mer nemus huërdje det. Nao ein tiedje kwaam Marlies inne keuke en vónj 't gek det die vroulje aan 't zweije wore en zweidje mer trök. Wie ze ein poeës later nog inne ren stonge ging Marlies toch mer ins kieke. Toe bleek dus det Mien en Lies neet mieër oet de ren dörfdje. As noe 't aafval wèggebrachtj weurdj den móst ièrst Jor nao binne en eine bezemsteel mètgenome waere veur de haan aanne kantj te haoje.

Weurdje vanne Vorst

Moerebuuk,

De 54^{ste} vastelaovendj van Èll steit veur de deur. En ouch nog ein superkort seizoen. Det weurdj nateurlik vlamme in korte tied, as wae de tendens vanne lêste jaore doortrèkke. 2004 Waas ein machtig sjoeën seizoen veur ederein, mer veur mich speciaal vanwege mien jubileum: ónvergaetelik dus. Ich hoop det 2005 veur alle betrokke minse weer veul plezeer zal bringe. Wae, Raod van 11 en prins, zólle der weer alles aan doen. Wae stokke op uch. Eine goje vastelaovendj!!

advertentie



Is t'r get neet in orde met eur kat of eure hondj
Snel nao de dierenkliniek
want dao make ze die
weer gezondj

Reperaties,
autoos,
tweëdje hanjds
of noew,



Gaotj nao
Garage
Heemels
haer



Ein mupke

Sjefke kumtj mèt drie koffers aanne incheckbalie van Schiphol. 'Eine koffer nao Milaan, eine nao Barcelona en eine nao Moskou' zeet Sjefke tege die juffrouw. 'Det geit neet' zeet det maedje. 'Jaowaal' zeet Sjefke, 'det hóbjt gae de veurige kieër ouch mèt mien koffers gedaon ..'



Kinjer



Micky van Math en Crista vroeg aan Siem 'bès se nao de kapper gewaestj?' 'Nae,' zagt Siem, 'ich hób mien oeëre lieëger laote zètte!' Micky ging heives en zeet thoes tege mam 'Siem heet ouch get aan zien oeëre laote doen mer ich weit neet mieër of hae ze hoeëger of lieëger heet laote zètte.'



advertentie



Sjoeëheidsspecialiste

Jeanne v/d Hagen

As gae der nog knapper oet wiltj zeen.


Veur al eur loeëwerk,
snel, good en neet deur



Dao hóbbe wae Harrie v/d Looy toch veur

De Kwakel

Toch gein ingelke?



'Zij Aktief' is eine groep vrouwe die regelmatig bie ein kómme veur ein laezing, knutsele en gank zoeë mer door. Zoeë haje ze op 14 oktөөber ein wienpreuverie. Diny Kanter en Netty Bongers ginge d'r ouch weer trouw haer, net as altied. Mèt 't ouch op waat ging kómme vroeg Diny nog aan Netty "gaon wae mèt de fiets?" "Bès se gek", zeet Netty, "ich rie waal mèt de auto, ich drink toch neet!" Det duit Netty normaal gesproke ouch neet mer jè, veur eine kieër móst det kinne. Einmaal dao gekómme waerdje bie eder glaas wien ein anger soort kieës gaete, auch Netty vónj 't allemaal lekker, deej gewuën mèt en d'r waerdje veul gelache door ederein. Oppendoor zagte ze tege Netty det ze mer oet móst kieke want Theike haaj nog noeëts ein zaat ingelke in béd gatj. Gae raodj 't al, oeteindelik hóbbe ze dae auto toch mer laote staan. Einmaal thoes heet Netty zich eine ganse nacht neet tegooj geveuldj en de hieële tied euver dae auto ligge prakkezere in plaats van ingelke speule veur Theike. Mer euver ein dink wore alle dames 't waal ins nao dae aovendj: det 't sjoen is om weer ins efkes eine puber te moge zeen! 'T waas gewuën eine gezellige en geslaagdje aovendj, det is waal dudelik.



Mèt welk fieëst hóbbe wae hie te make?

- A) Ein Communiefieëst
- B) Ein 25 jaorige broeloft
- C) Jaorliks landbouwfiëst
- D) De borebroeloft 1995
- E) Fieëst vanne paersverzekering



Woeë zeen dees dames gewaestj mèt 't oetstepke?

- A) Nao de diamantslieperie in Antjwerpe
- B) Nao de wolfederatie in Delft
- C) Nao de welfare in Monnikedam
- D) Nao de weverie in Almelo
- E) Nao de huishoudbeurs in Volendam

advertentie

Gaotj d'r ins get dèkker op oet Beveurbieëldj nao De Prairie ofwaal Bie Paul en Marlies



advertentie

BOEFIE

Dé specialist in kinjerkleier



advertentie

Veur vrachtwages die ein noew gezicht wille hóbbe



truck color design

pagina 6

Ein fieëst.

Eder jaor organizere de minse die mètgeholpe hōbbe aanne Ëller vastelaovendj ein fieëst veur zichzelf. De organisatie waas de afgelaope kieër in henj van de Bachelorboys, geholpe door Evert en Frank van 't fieëstcomité vanne Moerebuuk. 'T fieëst sting in 't teiken van de Ellympische Spelen, wae dinke det nemes lang hoofjt te raoje wie die jōnges op dit ōngerwerp zeen gekōmme. De atlete mōste, kōmplieët oetgedostj as sporters, verzamele bie Siem dae op die meneer innegang veul gaste op ziene verjaordag haaj. Dao kwaam van alles binne; tennissers, duikers, hokeyers, voetballers, balletmaedjes, hel- en langzaamrenners, wanjelleërs en eine houp bondscoaches. Zoeëget alle sportdisciplines wore dus vertegewoordigd. Speciaal genuëdj waas ein delegatie oet Ruslandj, ōngevieër dezelfdje die ieërder in 't jaor mètdeje aanne zëskamp, mèt dezelfdje herrie en anger fratse. Frank van Hoke opendje de aovendj en waerdje drek bejubeldj want hae vertēldje det Vorst Jan en Prins Stephan eder ein vaat deje. Naodet 't ieërst nog gezōnge waas veur Siem, deej Steef names de Bachelorboys oet de deukskes waat vanne atlete verwachtj waerdje. Det waas gelōkkig neet te moeilik veur de meiste; gewuën zelf groepe van ōngevieër tieën minse bie ein zeuke, eine bondscoach aanwieze, pepeerke inlevere, de naam van dien landj ontvange en wachte op dien beurt ōm te beginne. Spel 1 waerdje gewuën bie Siem afgewirktj. Piele vlemme op twieë doele ōnger deskundige en bezielendje begeleiding van Piet en Pieter, allebei Custers. Mer good det die d'r bie stinge




want sōmmige kregē 't klaor om 't doel op 15 maeter toch nog net te misse. Nao dit spel mōste de groepe ein veur ein 't dōrp in om hie en dao nog get spelle tot ein good inj te bringe. Zoeë waas dao ieërst 't jeu de boulle spel woeë se haost neet mèt kost foetele. De vief bēste belkes tēdje en geluif mer det die good wore. Get verderop eine kogelstoeëtbal in ring die oppe grōndj loge probere te kriege waas al veul moeilikker. Ein paar kregē hum toch inne rink mèt de meiste puntj. Toen richting 't plein woeë ederein zien eige vlag mōst sjildere. Det dink mōst de rest vanne weeg aan eine stek mētgesleiptj waere. Die vērfdruēgdje veur geine maeter en daorōm mer good det se oetwasbaar waas want hie en dao bleef waal ins get hange. Opdracht veer waas gewichthōffe, ein stang mēt gewichte draan die binne eine bepaoldje tied zoeëdēk meugelik tege de borst gedrōktj mōst waere. Wae hōbbe ōs laote vertēlle det de gewichte neet 't zelfdje wore veur edere groep Toen nao de lēste opdracht op 't voetbalveldj, zoeë snel meugelik ein parcours aafwirke. Hie kos se toch de atlete ōngersjeie die neet genōg getraentj haje. Mer good, gein kneuk gebroke dus ederein is weer alik bie Siem trōk gekōmme. De vlagge waerdje ingeleverdj en later oppe aovendj door de coaches gepresenteerdj aan ein streng jury veur de lēste puntje. Nao 't aete waas de priesoetreiking, goud, zilver en brōns waerdje mēt eine mix van blie en minder blie geluiden oet 't publiek ōntvangen. Waat meuktj 't oet, al mēt al zaat dae aovendj weer sjoeën inein en heet ederein genote. Eine plezierige aovendj veur echte carnavaliste, eine goje aanzèt veur 't noewe seizoen. Alaa!



Nog ein fieëst.



'T hing al ein tiedje inne locht, get spannendjs, get woeë se nao oet kost kieke. Ein unieke gebeurtenis in Moeërelandj die ederein oppe voot zoeëj gaon volge en die bie veul minse get los ging make. In 't veurjaor koste d'r al T-shirtjes bestēdj waere en toen 't bienao zomer waas waerdje de Breederkamp hieëlemaol verseerdj mēt vlegskes en zoeë. Woeë geit dit euver? Euver Pieter Custers neteurlik, aodste zoon van Jan en Riny. Dae jōng dae same mēt nog twieë anger Hollenjsers op 't ōngerdeil handjboogsjete mēt ging doon aanne Olympische Speule in Athene. Toen 't einmaal zowiet waas, wore de prestaties van die manne 't gesprek vanne daag, en neet allein in Ëll. De trots gruudje bie ederein wie Pieter oppe televisie kwaam. Interviews wirkdje hae aaf of det 't'r noeëts anges gedaon haaj. En de wēdstrieje? Jaomer det oetsjakeling veur zoeëwaal individueel as 't landjsklassement redelik snel dao waas. Mer det waas neet ōmdet 't'r ein slechte pees oppe boog, of krōm piele bie zich haaj !. Nae, det laag mieër aan 't feit det dao in Athene eine gemeine windj weidje dae gekke dinger kos doon mēt de piele. De sjōtter mōst op die momente probere te wachte mēt losse en verder veul gelōk hōbbe. Mer waat geuftj 't, 'mēt doon is belangrieker as winne' is de olympische gedachte, en hieël Ëll waas aevegood trots op hum. Terecht boje ziene vrinjgroep, de buurt en de gezamelikke vereininge oet Ëll hum ein rōndjrit door 't dōrp en ein receptie bie De Bachelorclub aan. Dao waerdje gesproke door versjillendje minse en Pieter zelf verwirkdje hieël kundig de vraoge oet 't publiek. Later waas 't'r gelegenheid ōm hendjes te sjōdde en blēef 't nog lang gezellig ... mer det is logisch.



De Kwakel

Wij djer al ...

- * det Mart van Stiene ziene auto waas vergaete te keure
- * det det in april 2002 gebeurtj haaj mótte zeen mer det t'r det pas in febrewari 2003 deej
- * det bienao ein jaor te laat is en nemes begriepjt wie zoeëgt juist Mart kan gebeure
- * det hae 't waarsjienlik te drök heet gatj mèt de veurbereijing van zien broeloft
- * det Anny van Hoester gaer knutseltj, van tied tot tied get anges
- * det Harry noe zeet 'wae zeen gestoptj mèt póppe, wae zeen noe aan 't voge!'
- * det Twan Brummans in Meijel 't leedjesconcour heet gewónne mèt zien familie
- * det det leedje ouch good genóg waas óm in Èll te winne
- * det Nellie van Jos neet good begreep waat Theike Bôngers oppe prinsereceptie kwaam door
- * det det zoeëj kinne want de prins leek op mieër vaders
- * det Albair bie Antje van Claessens op bezeug waas
- * det Antje vroeg "Albair, wie geit 't mèt dien huërappaat?"
- * det Albair zagt "mèt 't mien good, mer ich bèn bie Frans van Fóns gewaestj en dae heet ein stök of drie van die dinger, allemaol zónger batterie!"
- * det Sjors heet gestumdj op Hunkemöller van Groen-Links
- * det det neteurlik maag
- * det Nol en ldy mèt de kleinkinjer nao Tudderren in Duitslandj nao de dieretuin ginge
- * det ze neet wiste det dae dieretuin al 17 jaor geslote waas
- * det Baer vanne Goor precies wètj wie Thea inein zitj
- * det hae wist oet te lègge det as Thea heur speldje oet de haor duit, den vèltj heur gezicht oettrein
- * det de fanclub vanne fanfaar vol vertroewe waas det 't concours good ging verloupe
- * det se 't spandook al op haje gehange veurdet de fanfare good en waal in Remunj waas
- * det 't winnendj vastelaovesleedje "Nog eine en den de lèste" gezonge weurdj door FV de FV
- * det det steit veur Fieëst Vereniging de Fieëst Verkès
- * det ein van die Fieëst Verkès vlak veur 't optraeje nog oppe wc zoot
- * detter hals euver kop de bühne op móst
- * detter geine tied mieër haaj om zien vot aaf te vaege



Eine aovendj droet.

Siem en Corine haje beslote óm same nao Den Haag te gaon nao 't North Sea Jazz Festival. Veur Vera waas eine babysit geregeldj, opa en oma ... nog bedanktj! Ze haje de auto thoes laote staon want ze meindje det t'r toch waal ein glaeske gedrónke zoeëj waere. Mer Siem haaj de auto neet aafgeslote en haaj auch nog de sleutels d'r op laote staeke. Op Zunjigaovendj nao 't kaarte van ein paar leje van "FV de BB" woeëje ein paar leje nog get gaon drinke bie Marlies. C.B. en P.K. kwome boete en kregde de auto van Siem inne gate .. ope en mèt sleutels. Aangezeen 't veur die twee ein hieël stök fietse waas nao Marlies waardje die dinger inne auto gelaje en ginge ze mèt de auto van Siem nao de Prairie. 'T Is nog óndudelik woeë dae auto nog mieër gewaestj is dae aovendj en woeë Siem hum trök gevónje heet ...



Ein mupke



Sjefke móst mèt ziene groeëte Mercedes Cabrio stoppe bie 't stopleeht. Op det moment stoptj ziene aoje sjoelmeister naeve hum, dae waas op eine gammele fiets mèt zón broen tas achterop. "Daag meister van den Berk, wie is 't nog mèt uch?" vreugtj Sjefke innegang. De meister móst ièrst good door zien brilke kieke ièr d'r inne gate haaj det det Sjefke waas. "Mer Sjefke, hieël good" reageerdje hae nog ein bietje ónger de indrök. "Zék, wie kumst dich aan zónne groeëte auto?" "Och" zeet Sjefke, "ich bèn inne hanjel gegange en ut zitj mich mèt op 't moment." "Inne hanjel?" vreugtj de meister, "mer doe woorst toch hieëlemaal neet zoeë good in raekene kan ich mich herinnere." "Det is toch neet zoeë moeilik" zeet Sjefke, "Doe kuipst beverbieëldj get in veur 10 euro, zèst d'r 100% bovenop, en verkuipst 't weer veur 30 euro!"



miene hanjel

advertentie

LAST VANNE VEUT ?



Den snel nao
pedicure Bep
van Oosterhout-Tobben

SPAR - Leon Derksen

Veur alle
dagelike
boeëdsjappe




Menutip

Bruëdje gezóndj van Jack van
Susse.

Ein snee mik, dao-op ein gebakke
ei, 'n goulasjkroket, frikkedel, kieës,
mayonaise, eine hieëring en weer
ein snee mik.

Aetj smakelik!



De Kwakel

advertentie

Sjoeënheidsspecialiste

Mariet
van Enckevort-Janssen

As gae der nog knapper oet wiltj zeen.

Höbtj gae geine
taleknóbbelCusters
Taaladviezen
heet dae waal

Kinjer 3

Femke van Eric en Mariëlle waas op sjoel op luus gecontroleerdj. Det mót aaf en toe gebeure en meuktj bèst indrök op die wichter. Op ein gegaeve moment waas ze bie Roos vanne Sjilder op bezeug en woëj kapsterke speule. "En den controleer ich dich innegang op luus," haaj Femke gezagtj. "Det kwaam d'r zoeë sjoen oet, det is ein leuk verhaölke veur De Kwakel," leet ein redaktiellid wete. "Jao det is good," zag Roos, "mer den mós se waal sjrieve det ós Miek heet mëtgespeuldj mët Femke ...!" Gein probleem Roos, bie deze dus genoteerdj.



advertentie

Wiltj gae
noew tegelkes
aanne moor? En gae
kintj det zelf neet doon?

Den nao Peter v.d. Eertwegh.

De mik, de bruëdjies, de vlaai,
alles is dao zoeë lekkerNateurlik bie Thijs,
óze warme bekker

mook

motoróngerdeile



Weem is weem?

Steef en Geert is eine tweeëling dae in 't ieërste voetbaltj. Ze gaon d'r allebei verbaal en fysiek flink tegenaan. Steef waas nao drie wedstrijden zelfs al tege tweeë gael kaart opgeloupe. De tweeëling liekt zoeëveul opein det t'r veul minse zeen die heur neet oetrein kinne. Auch Bairke dae de wedstriedpapere invöltj heet dao dèk probleme mët. Zoeë kost 't gebeure det hae inne viefdje wedstried de röknummers vanne tweeëling verwisseldje. Steef det van Geert en angesóm. D'r móst flink geknóktj waere veur de puntje en sóms móst t'r flink aanne noeëdrem getrokke waere óm verder sjaaj te beperke. Ouch Geertje deej stevig mët en sjoefeldje links en rechts gèt óm. Hae deej det zoeë good detter zelfs ein gael kaart verdeendje (volges de sjeids). Nao de wedstried waardje Geert get gesartj door Steef óm die gael kaart. Geert grauwendje get en Steef mer lache. Mer det verangerdje snel wie det bleek det Bairke per ongelök de röknummers verwisseltj haaj. De gael kaart kwaam op naam van Steef dae hiemèt dus zien derdje kaart haaj en dus ein sjorsing aanne bóks kreeg. Toen bleek dèt Steef behalve voetballe ouch anger dinger vanne noewe trainer gelieërdj haaj. De sjeids waas eine daakhaas, Bairke eine geutknien, Geert eine snaak en Steef ziene volgendje wedstrijd nao de piezewiet. Geert dae besjeurdje zich van 't lache en vroeg aan Steef "kin se 't spraekwoord van; dae 't lèste lachtj?". "Jao", det kin ich zeet Steef ".... Dae lachtj allein!"



Klein opstepke.

Nel en Bair vanne Goor haje ein sjoen verkansie gatj in Turkije. Trök op 't vlegveldj kóste ze op eine loupendje bandj gaon staon, zoeëdoondje hoofdje se zelf neet te loupe mët zón lompe zwaor koffers bie zich. Op 't inj vanne bandj waas ein opstepke en tweeë minse veur Nel en Bair stroekeldje euver det dink. Nel zaag 't gebeure en sjoot zoeë inne lach det se neet inne gate haaj det dae bandj gewuën doorleep. Gae raadj 't al, oeteindelik ging Nel ouch op heur gezicht bie det opstepke. Toen waas 't nateurlik de beurt aan Bair óm te lache ... en wae ouch!



Moeëre en Moeërinne



Mien Prinsesjap zitj d'r al weer op. En det ging snel. Van te veure wètse neet precies waat det dich allemaol te wachte steit. Doe wètst des se ein prinsemöts op kriegst, mët de moeër veurop moogs loupe inne polonaise, de sleutel ómgehangen kriegst vanne börgemeister en des se bove-op de prinsewage moogst staon. Ouch huër se veul positieve verhaole van dien veurgangers. Mer det prins zeen zoeë fantasties zoeëj zeen, det haaj ich noeëts gedachtj. Van 't oetrope inne zaal tot aanne aafsloeting op dinsdigaovendj, allemaol fantasties. Ouch names mien prinses Anita, die 100 procent achter mich sting en mien 2 adjudante Jeroen en Jeroen, die van gein ophaoje wiste, wil ich uch allemaol bedanke. Want zónger uch Èller minse, haje wae noeëts zónne fantastiese carnaval gatj.


Eine Raod van Elf met jubilerendje Vorst Jan, die mich geweldig höbbe óngersteundj. De Bóntje Aovendj artiëste met heur te gekke stökskes. De muziekanten die geine daag verstek höbbe laote gaon. Ederein dae mët heet geholpe aan dae geweldjigge optocht. En nateurlik de 80 plussers woëdet ich hieël gastvrie bèn óntvange en woë ich veul sjoen verhaole höb gehuërdj. Nogmaals minse, allemaol bedanktj. En dinktj d'r aan, mochte ze uch oeëts vraoge óm prins te waere, zèktj den drek 'jao' want eine sjoenere vastelaovendj zóltj gae noeëts mëtmake.

Ouch dit jaor gaon wae neet skieje mer blieve wae hie de baer rieje.

Alaaf.

Prins Stefan I en prinses Anita
Adjudante Jeroen en Jeroen

De Kwakel



Deur in 't gaat ... waat noe?

Linda vanne Tup móst snachs op óm nao de wc te gaon. In heure allerbèste pyama en mèt veul slaop in 't gezicht vergisdje ze zich en ging door de veurdeur droet. Foute boel neteurlik want de veurdeur veel toe en Linda kost neet mieër nao binne. Zie póngeldje nog get óm ze ope te kriege, mer det lökdje neet. Toen huërdje ze det heure buurman nog op waas. Linda beltj aan en vreugdje de sleutel vanne buurman óm heur eige deur ope te make. Dae sleutel pasdje neteurlik ouch neet. Mer good det vader Harry tegeneuver woeëntj. Dao is ze oeteindelik verder kinne gaon slaope.



Wisj djer al ...

- ~det Vera oppe door mieër tenj haaj den Siem
- ~det Siem allewel weer get dèkker mèt de mōndj vol tenj steit
- ~det Frans vanne Kruis ouch de Spoeëketocht haaj geloupe met de buurtvereniging
- ~det t'r zagt det t'r nog noeëts zón good huwelik haaj gatj as dae aovendj
- ~det det kwaam ómdet t'r dèk hieël good vastgepaktj waerdje door emes mèt veul sjrik
- ~det Toos gaer bōl van anger kaerels inne hoof heet
- ~det se op dit moment bōl van Wiel inne grōndj heet zitte
- ~det óze veurige prins oppe elfdje vanne elfdje is getrouwtj
- ~det baby's kriege op precies dae datum get moeilikker is
- ~det Loes van Sjaak van Teun zoormoosstampot haaj gekooktj
- ~det wie ze aanne taofel zote en woeëje gaon aete 't zoormoos nog oppe aanrèk laag
- ~det t'r minse zeen die gaon fietste mer zoeë weer trök zeen omdet ze de bōks vol hōbbe
- ~det det net de buurvrouw heet gezeen
- ~det Mien van Theu van Hoke verrèkkes kan kegele, 10 kieër ein 8 !!
- ~det Jan van Bōskes det ouch good kan, 7 kieër ein 8 !!
- ~det as alle seniore van Èll zoeë koste kegele det ze den Nederlands Kampioen waerdje ... mer die verrèkdjese luipe ..!
- ~det wèthaojer Jan Custers dinktj det Nejewieërt ouch inne gemeindje Hunsel liktj
- ~det t'r op 't harfatrefte zagt det fanfaar St.Lucia oet Nejewieërt op concours ging
- ~det t'r St.Lucia oet Neeritter bedoeldje



Tieners

Op eine vriedigaovendj woeëj Tim Benders mèt ein aantal vrinj nao de bioscoop haer. Nao de film van kwart euver zeve saoves. "Jè", zeet Conny, "ich kan uch neet óm zève oor bringe, waal get iëerder, óm half zeve". Zeet Tim; "Det is good, den loupe wae waal ein half oor door de stad. Gaon wae nao de dierewinkel, dao kinne ze mich!". "Jè", zeet Bastiaan, "wae kinne ouch noa de 1e hulp gaon ... dao kinne ze dich ouch!".



Döbbelzicht.




De aoj veterane móste sunjes smörges óm tieën oor aantraeje veur eine oetwedstrijd. Mèt ein aantal auto's ging 't richting Wieërt. Jo en Theo (eine pliesieman) zote achterin. Theo meindje det Jo 't beer nog los inne tes haaj, zoeë stónk hae nao de drank. Theo dacht nog, as dèt mèr good geit, want Jo móst kiepe. Nao twintig kieër opdrōkke en zèstieën runtjes óm 't veldj waas eederein werm en kós de wedstried beginne. Bie ein zaocht trōkspeulbèlke van Theo op Jo greep Jo finaal naeve de bal en waas 't 1-0. "Woeërom reup se dae bal neet gewuën op", vreugtj Theo. "Jè", zeet Jo, "ich zaag twieë bel op mich aaf kómme en wist neet welke det ich móst pakke".



advertentie

SLAGERIJ RUUD EN
MARLEEN HEIJKERS



Vers vleis
Kant-en-klaor gerechte
Barbecues
En nog veul mieër

Mèt eine caravan droet;
waer of gein waer?
Den mótg gae nao
Lantinga haer.



Ouch veur eine camper

VAKLAN

OASIS Mi-ja Look
BLOEM - KUNST - KADO



Veur as gae
emes anges
of uchzelf
wiltj verrasse



Hiep hiep hoera!

Piet vanne Haas is 65 jaor gewore. Piet en Bertie vanne Sjink en Pierre van Berbe ginge op bezeuk en nome ein flaaï mèt. Ze sroke aaf det ze iëerst nao binne ginge om preficiat te winse en te kieke of ze koffie kriege. De flaaï waas den nog vlot oet de auto gehoojdj ... Wae hōbbe gehuërdj det die flaaï inderdaad d'r aan is gegange.



't waas gein
moeëreflaai

De Kwakel

Etikette

Jesper Kessels löptj stage bie Frans Theunisz (Sjeng aan de Geng) inne organisatie van 'Winterland Maastricht'. Bie det organizere huère ouch aetentjes en lunches mèt anger belangrieke minse. Zoeë zitj Jesper op ein gegaeve moment aan taofel met ein aantal van die bobo's. 'T geit t'r nogal sjiek aan toe. Beveurbieldj op taofel ligge d'r den mieërdere lepels, messe en versjette links en rechts naeve d'n teier. 'T Veurgerecht kumptj op taofel (det waas get mèt zalm d'r in) en Jesper kiekj get vertwiefeltj rónjdj óm zich haer. Gelökkig haaj mevrouw Theunisz det inne gate en is drek behulpzaam. "Doe móst van boete nao binne wirke", fluusterdje ze Jesper in 't oeër. Det zetje haaj Jesper net nuëdig, hae paktj ein mes en versjèt en begintj aanne zalm ... ieërst aanne boetekantj en zoeë hepke nao hepke nao de binnekantj vanne teier ...!

Good Jesper, dich moogst dèkker aansjuve.



Oma en eine GSM, geit det good?

Jesper (jao, dae weer) weurdj door de echte Hubèr van Hoof via de mobiele telefoon geïnterviewdj veur L1-radio. Ein bietje reclame veur 'Winterland Maastricht' kan eigelik gein kwaad waas de reje. Halverwege 't gesprek huërtj Jesper (en ouch ederein dae nao de radio loesterdj) det t'r ein twieëdje gesprek binnekumtj (ein zógenaamtj 'wisselgesprek'). Jesper dinktj "weem beltj mich noe toch net op dit moment?". Mer good, hae lieëjt 't effe veur waat 't is en meuktj zien interview mèt L1 netjes aaf. Noewsjieërig as t'r is beltj t'r daonao det anger nummer trök.

Hae kreeg oma Lies vanne Bekker aanne telefoon die hieël enthousiast reuptj; "ich beldje dich óm te zegge des se oppe radio worst!!!!!!!!!!!!!!".

Jao oma, bedanktj veur de tip, mer det haaj ederein al gehuërtj dinke wae.



Ein mupke

"Ich adviseer uch", zeet de hoesarts tege de patiënt, "veer waeke geine alcohol drinke!. Daonao kinne wae zeen of gae aanne baeterendje handj zeetj". "Zoeëj 't neet baeter zeen", vreugtj de patiënt, "óm veer waeke lang twieëkieër zoeëveul te drinke en den te kieke of 't slechter mèt mich geit ..?".



Móppetrómmel

Ein mupke

Eine mins sjriefjt zich 'Jan Pijpers' en det vónj d'r eine rotnaam. Dus hae nao de gemeindje haer en dao besproke of dit veranderdj kost waere. "Jao, det is gein probleem", kreeg t'r te huère. "Gaotj mer heives, bedinktj uch eine angere naam en kómpjt mer achter ein paar daag trök óm te vertèlle waat ut is gewore." Nao ein waek kumptj t'r trök oppe gemeindje en vanachter de balie vreugtj die mevrouw; "en, waat is 't gewore?" Zeet dae mins; "Piet Pijpers!!!!!!"

advertentie

Praktijk veur
Klassieke Homeopathie
bie Dianne Lamers



As gae op ein anger
meneer gezóndj wiltj waere

Boumkekerie Moors



Ouch veur eine
kómpleeëte
tuinaanplantj.

HENDRIKX-VAN GEMERT



BESTRAOTINGE

Eine automaat.

Papa, waat gebeurtj
d'r allemaal op mien
fieëst?



Pascal Knapen waas vader gewore en det móst neteurlik geveerdj waere. Hae nuëdje zien vrinj oet óm in Remunj örges eine goje te gaon drinke op dae kleine. De felicitaties wore gouv euvergebracht enne rest vanne aovondj waardje allein mer geaojhoordj en gedrónke. Op ein gegaeve moment wore ze in ein café mèt nog zónne aojerwètse neutjesautomaat op 't buffet. Wie Paul van Zef d'r einmaal eine kieër van gepreuftj haaj kost t'r d'r neet mieër aafblieve. Dus get later wie ze weer verder trokke nao de volgendje

Nootjesautomaat

Roermond - De politie heeft in de nacht van zaterdag op zondag een 27-jarige Weertenaar aangehouden wegens diefstal van een nootjesautomaat in een café aan het Stationsplein. De agenten troffen het apparaat aan bij de Weertenaar, die met enkele anderen van de inhoud aan het snoepen was.

croeg besloot t'r óm dae automaat mer mèt te numme veur óngerweeg get achter de tandj te kinne duje. Dae man vanne café heet det neet leuk gevónje want snel genóg waas de plies die men op 't spoor. Paul waardje ingerakendj en mètgenome nao 't bureau. Achter inne auto vanne plies zweidje hae nog get nao die anger mèt dae neutjesautomaat oppe sjoëet. Wae kinne geluive det de plies d'r ouch met heet kinne lache. Oeteindelik is dae automaat weer op zien plaats terecht gekómme, net as Paul ... dae zal die streek veurluipig waal laote.


De Kwakel

Oetsleeg Vastelavesoptocht 2004 van CV De Moerebuuk

1e pries euver alles (wisselbeker)
en ouch
1e pries wages
mèt 71,5 puntj.
"Hop hop hop, ieêrst betale, den d'r op"
Van: De Brandjblussers



1e pries klein groepe
mèt 68,5 puntj.
"De gemeindje in 't roeëd"
Van: De Blue Band



1e pries groeëte groepe
mèt 66 puntje.
"Mèt veul lol en tam tam"
Van: Buurt De Pannestert.



1e pries alleingangers
mèt 63 puntje
"Ze zègge det se mèt krukke
gemaekeliker löpst"
Van: Ruud Winkelmolen



advertentie



Gein gèldj mieër
inne tes mèt dees daag.
Loup den mer bie
de Rabobank nao binne.
Want dao kins se
daag en nacht pinne.


Veur ein plentje veur inne
mooshoof of ein bleumke
oppe tied.

Nao Verhaag haer
is neet wiet.



Wanjele.

Jos en Nel en Lei en Els, 4 minse die al zoeëget de hieële wereldj bereisdj hobbbe, ginge op zunigmörge wanjele in Linne. Dao aangekóme waas de weeg opgebroke en koste ze neet verder. Waat noe gedaon? Wae laote de auto hie staon zeet Jos en laope nao de startplaats, wae zeen oeteindelik gekóme óm te wanjele. Zoeë gezachtj, zoeë gedaon. Bie de startplaats aangekóme (kei kepot) koze ze veur de 11 kilomaeter want 15 waas get veul. 'T waas ein sjoen tocht en d'r waerdje óngerweges veul gemoeëltj euver van alles en nog get. Wie ze trók wore bie de startplaats waerdje d'r nog get gedronke en toen trók nao de auto. Mer woeë sting dae auto ouch weer? Nörges eine auto te vinje. Den mer emes vraoge oet Linne woeë örges de weeg opgebroke is want dao steit t'r. Aan drie minse gevraogtj woeë in Linne örges de weeg opgebroke is, mer nemes dae 't wist. Toetdet opins eine aoje mins zeet; "in Brachtbeek zeen ze waal ane weeg aan 't wirke". Toen veel bie Jos 't kwartje en kwome de wereldjreizigers d'r achter det ze de auto neet in Linne haje staon mer in Brachtbeek. Oeteindelik haje ze 21 kilomaeter geloupe in plaats van 11.



advertentie

Gaotj d'r ins get dèkker op oet
Beveurbieëldj nao
De Bachelorclub
ofwaal
Bie Siem



CV De Moerebuuk - Programma Vastelaovendj 2005

(Sjriefjt dit mer alvast oppe klender.

Veur wie laat en zoeë mótg gae 't Kontaktblaad etc. inne gate haoje)

Zaoterdig	15 jannewarie :	Receptie noewe Prins Moerebuuk
Dinsdig	18 jannewarie :	Oefene Bóntje Aovendj
Dónderdig	20 jannewarie :	Oefene Bóntje Aovendj
Zunjig	23 jannewarie :	Kaartverkoup Bóntje Aovendj
Maondig	24 jannewarie :	Oefene Bóntje Aovendj
Dinsdig	25 jannewarie :	Oefene Bóntje Aovendj
Dónderdig	27 jannewarie :	Generale repetitie Bóntje Aovendj
Vriedig	28 jannewarie :	Bóntje Aovendj
Zaoterdig	29 jannewarie :	Bóntje Aovendj
Zunjig	30 jannewarie :	Bóntje Senioremiddig
Zunjig	30 jannewarie :	Receptie Spoeëkejaegers Zwartbrook
Vriedig	4 febrewarie :	Kinermiddig vanne sjoel
Zaoterdig	5 febrewarie :	Sleuteleuverdracht in Èll
Zunjig	6 febrewarie :	Heilige Mès, chips bal en get veur de zunigaovend
Maondig	7 febrewarie :	Vastelaovendj maondig = OPTOCHT !
Dinsdig	8 febrewarie :	Vastelaovendj dinsdig = KINJEROPTOCHT Sloete !



Alvast veul plezeer!



Tonieël



In Wèsssem is eder jaor tonieël in 't plat en dao speule ouch bekindje oet Èll mèt. Jos van Marjo van Sijr en Roos, ein nicht van die vanne Sjilder. Op zaoterdigaovendj wore eine houp Èller minse doa óm te kieke. Ze verwachdje det de dames vanne Sjilder ouch doa zoeëje zeen en vroege det nao bie Roos. "Nae", zagt Roos, "Miek kost desnaovendj gein plaats mieër kriege oppe ieërste rie, die kumtj mórges want den kan ze mèt heur naas veuraan zitte.

advertentie

Hub van Luute
Toneeltechniek

ouch al steit met dees daag alles oppe kop
miete service steit alied veurop !!!

Net neet inne bóks gesjete.


Joske en Toos hobbbe ein chalet inne Ardenne woeë ze regelmaotig haer gaon. Ze trèkke d'r veul op oet en wanjele dèk ein hieël inj wèg. Zoeë ouch op eine sjoene daag afgeloupe veurjaor. Ze wore ein stók van hoes aaf toen Joske veuldje det t'r móst poepe. "Ich loup flot nao eine gooie kinnis inne buurt" zag t'r tege Toos en hae zat ter de zók in. De drók waerdje vlot erger en hae veuldje det t'r 't neet ging redde. "Waat noe?" dacht Jos. Hae keek rónjdj, zaag ein port en vónj det waal ein gesjikkje plaats óm ein hupke nieër te lègge. Hae duit zich de bóks omlieëg en poeptj inne natuur. Woeë vaeg ich noe mien vot mèt aaf? Gein pepere zakdeukskes inne tes, det waas noe toch waal henjig gewaestj. Joske neet veur ein gaat te vange, duit zien sjoon, zien lang bóks en zien óngerbóks oet en veugtj zien vot aaf met de óngerbóks. Woeë laot ich noe die óngerbóks? "Och sjiet", dinktj t'r, "ich goeëj ze weg". Hae vergitj te kieke woeë ze terecht kumtj. De volgendje mórges as se weer gaon wanjele zeen ze de óngerbóks bove in eine boom hange.



Weem duit noe
toch zoeëget?



De Kwakel



Waat noe weer?

- A) Heet de spraekster d'r eine laote vlege?
- B) Heet die vrouw oppe stoel veul tandpien?
- C) Of zoeëj ze oppe kat zitte?
- D) Is dit ein miss-verkiezing?
- E) Is dit Tooske mèt naeve zich Eine idol oppe stoel?



Kiene

Inne pauze van 't kiene in Ëil verkoupe ze altied bruédjes en frikkedelle. De minse weite den neet wie vlot ze d'r bie mótte zeen, bang det d'r niks mieër is. Wie de verkes oppe troog aan. Ein vrouw zaat bove oppe buun en woeëj zoeë vlot bie de frikkedelle zeen det ze ómlieëg veel. Dit waas neet de ieërste kieër det ze veel want ze haai al eine [nek]kraag óm. Toch waas 't waal ernstig want ze waerdje opgehooldj door de zekewage. Gae zeetj 't mer weer ... haostige spood ...



advertentie

Inne kasse van Coolen
kin djer kómkómmers hoie



Waat zoeëj d'r gebeurtj zeen?

- A) Protest det 't bureau opgeheve is.
- B) Dae Italjaanse dokter is hie bie gewaestj.
- C) De dames zeen op cóntrol bie de kinoloog.
- D) Ze wachte gewuën oppe beurt bie de kapper.
- E) Die kinjer hóbbe al de baard inne kael.



advertentie

Zeuktj gae ein struukske, ein buimke of ein plantje veur inne tuin of achter de lamelle



Den mótg gae zeker ins bie
Linders aanbelle

advertentie

Hóbtj gae last
van eur spiere
inne bein of nek.
Den is Beekman-Verleg
de juuste plek.



Good gezeen?

Daags veur de OLS kwome tweeë Belzje bie de Prairie. Ze vroege woeë se 't bèste nao de EK-finale koste kieke. Anouk antjwoordje op die vraog mèt 'gae kintj ouch bie De Bachelorclub gaon kieke, dao hingtj ein groeët sjerm.' Noe bleek det die Belzje dao al wore gewaestj mer ze meindje det De Bachelorclub ein "selecte privéclub of homobar" waas ómdet dao de rame zoeë beplektj zeen Anouk heet ze toch mer get anges oetgelagdj.



advertentie

Eltaria



gewuën de lekkerste friet en snacks
ouch veur complieëte sjóttels

Ein mupke

Waat is 't versjil tösse ein damesslip van noe en ein van 40 jaor geleje?
40 Jaor geleje mósdje ze de slip aanne kantj doon óm de bille te zeen. Noe mós se de bille aanne kantj doon óm de slip te zeen!

De Kwakel

Proklamasie van Jeugdprins Tim en Jeugdprinses Judith



Wae, koninklike zödjes.
Oetgegruudj toet prins en prinses.
Wae wirke ós efkes oet de nödjes en pakke noe de proklematie oet de tes.



Ich prins Tim, zoon van Cleo van Bekkers Sjeng
en Mia van Pruuskes Koeëb en Paula van
Bobberte Jaan en Leen van Huuskes Tjeu.



Ich, prinses Judith, dochter van Rob
van Sjra vanne Bekker en Tien van Linje
en Resian van Tjeu van Gritje van Kroeët Driek en Griet van Leeje

Ich woeën oppe Swartbrookstraot,
woeë vreuger de meule waas,
same mèt ós pap, mam en mien braaf zösterke Inge.

Ich woeën oppe Magnoliastroat woeë vreuger
de loeëds vanne werktuige stóng, same mèt Pap, Mam en mien
zösterke Carolien.

Voetballe doon ich ouch bie DE club
en van kornette krieg ich ein dikke lup.
Ich kiek aaf en toe ouch nao planete
en zeen sóms ouch nog
get sterre veurbie sjete.



Danse höb ich bienao mien hieël laeve gedaon.
Mer noe bèn ich veur de verangering ins aan 't
volleybalnèt gaon staon.
As t'r get te doon is, bèn ich vanne partie.
Van fieëste en fuive waer ich hieël blie.


Wae zitte oppe Verrekieker in ós lèste jaor
Veur de universiteit zeen wae dus al bienao klaor.

Ós adjudante zeen Luc Linders en Ilse Vossen
Dao gaon wae al die daag mèt door 't moeërelanj hosse.

Ós vaders, die kinne zich al get langer
Want det zeen naeve van dein en danger
Ós moders zeen allebei Zaothmalinne oet Rooj
En gae wèlj, dao doon ze alles tegooj.

Wae doon hieël gaer playstation en msn-ne
Mer det mótte wae noe flink aafremme

En daoróm hie ós motto:



DE PLAYSTATION ENNE COMPUTER AANNE KANTJ
WAE SWINGE EN TRÖTE DOOR 'T MOERELANDJ

advertentie

Veur appele en paere
Gootj nao Moors-Franssen



vers vanne boum

STERK IN STAOL

XX

DERCKX STAOLBOUW

VEUR ALLE VERZEKERINGEN



NAO
LEON KNAPEN

OUCH VEUR
EURE HYPOTHEEK

'T Is aafzeen

De dames van Gymclub Èll gaon d'r flink tegaan op maandjgaovendj.
Gelökkig wèlj de traenster det good te dosere door aaf en toe ein
óntspanningstraening in te lasse. De sporters ligge den op heur metje
óntzettend te óntspanne en zelf is t'r al oeëts eine slaopzak mètgenome veur
dees oefening!. Ein paar dames deje tiejes die oefening zoeë óngeluefelijk
heur bèst det ze bienao lètterlik in slaop vele aan 't snurke te huëre. Neet
bepaaldj traeninge woeë se van geist zweite dus zeen d'r sommige bie die
zich al douche veur de les. Det is neteurlik waal bale as t'r ins eine kieër flink
aangepaktj mótt waere. De manne vanne volleybalrekreante höbbe de
gymzaal nao deze groep en doon waal ins lacherig euver zoeëveul
inspanning (en óntspanning). Ein bietje flauw want ederein mótt vanne grondj
aaf beginne, of neet? Tegewoordig geuftj ein noew juffrouw de traening en is
begónne mèt anger oefeninge en zelfs muziek d'r bie. Det veel waal effe
tege, mieër herrie aanne kop, nog mieër de grenze verlègge en 't ergste ...

det lekker zeivere óngerein is aafgeloupe. Noe
zólle de dames mieër nao de winkel mótte veur 't
leste noets. Verder is 't ein hieël gezellig clubke
en veur degene die nao 't laeze van dit verhaol
besloete om d'r ouch bie te gaon ... helaas, d'r
is eine wachtliet. Mer det snappe wae!





*Wae winse uch
eine plezeerige
vastelaovondj!*

JUBILEUMJAOR 2005-2006

'T volgendje jaor weurdj ein van veul fieëste en tampieëste want den besteit de vastelaovondj in Ëll 5 kieër 11 jaor. Sjriefjt alvast de datum van 12 november 2005 inne agenda, want den beginne wae 't jubileumseizoen mèt ein spetterendje openingsactiviteit.